

北郭集



北郭集

四部叢刊三編集部

上海涵芬樓影印江
安傅氏雙鑑樓藏明
成化本原書板高十
九公分寬十三公分

北郭集序



天之生才也不易人之自用其才也亦
不易蓋天生烝民而人得其清明純粹
者固不偶幸而得之必翼焉保而有
之不違乎天可也苟昧於去就出非其
時用非其志卒致汙巖其身無可為之
地烏在其為賢乎嗚呼此明哲之士所
以為難也歟當

聖祖高皇帝開基啓運賢才輩出若徐先生幼文其一也先生名貴家吳城望齊門外蚤穎悟有才行尤工於詩與同郡高季迪楊孟載潯陽張來儀時相倡和大著詩名故吳中以高楊張徐比唐之四傑焉于時偽吳張士誠開閩招賢強起之先生知其終不可與有為也遂與來儀避地吳興來儀居菁山先生居蜀

山皆幽勝之地也至洪武九年始用薦

入朝

欽授給事中尋改監察御史出按山西陞
廣西叅政歷河南左布政使所至皆有
惠政後卒於官先生之詩名比郭集有
樂府五七言古體近體排律五言六七
言絕句五言聯句共十卷先生去今百
餘年之久集未有傳廣東僉憲張君全

翔始壽諸梓以予吳興人知先生有素
書來請序于篇予家晟溪違蜀山半舍
許每經先生之故墟雲林烟樹風景猶
昔曷勝企仰今得以文字掛名其集中
以自附於鄉生晚進之列豈非至願乎
蓋先生時當草昧則全身而遠害此即
鹿無虞君子幾不如舍屯六三之象也
繼入

熙朝踐敷中外得以行其道昌其詩名世
而傳後此漸之上九鴻漸于陸之時乎
先生之未晦必顯詘必信與時而偕行
信不違乎天者矣况其詩之清也秋空
皓月丹桂分香其古也商鼎周敦宛存
法象頗類晉唐諸公然予非知詩者此
得之李職方貞伯貞伯企翺皆先生里
人故其知之深愛之篤如此敢併序之

成化丙午秋仲初吉

賜進士都察院右僉都御史吳興閔珪序



[Faint bleed-through text from the reverse side of the page, including characters like '言不違', '夫晉矣', '與和', '之', '前', '也', '味', '空', '夫', '生', '之', '本', '利', '必', '興', '繼', '必', '前', '興', '報', '而', '報', '行', '而', '報', '對', '此', '地', '之', '正', '以', '無', '神', '亦', '望', '之', '報', '亦', '無', '障', '題', '中', '不', '對', '以', '計', '其', '並', '昌', '其', '結', '必', '世']

北郭集目錄

卷之一 樂府

古別離

上留田

五襍組

行路難

巫山高

才人嫁為厮養婦

車遙

折楊柳

名都一何綺

神絃曲

神絃別曲

從軍行

別離曲

新嫁娘

五索

新曲

切切重切切

塞上曲

新絃曲

采蓮曲

蠶婦詞

三婦詞

幽蘭曲

湘妃曲

青樓曲

洛陽陌

青、水中蒲



北郭集目錄

道逢鐫武威

龍門有孤桐

將軍行

猛虎行

擊筑行

短歌行

遊仙詞

賈客行

青絲白馬歌

對鏡詞

宮中夏夜詞

扶南曲辭

長歌復短歌

田家行

農父謠

漁父篇

柳短

白蘋花詞

明月篇

聽鳥吟

愛日吟

望雲詞

菘莪吟

歲晚行

梅花清夢詞

海雪詞

雷雨護嬰詞

卷之二

五言古體

雜詩六首

讀史三首

芟草

次韻高士敏

與王守敬燕

題兩伍張氏墓表

懷陳惟寅

贈李道人

虞勝伯南軒

陪潘右丞宴

飲王生別業

喜方張二公見過

懷徐行正

哀邁樞密

潘牧胡布見訪

過荷葉浦

銅塢後山石

宴余左司宅

山居圖

池上

衍上人蕭然齋

七夕有雨

松路山岩圖

師林竹下詠

巨峰林館

齋前蕉石

惜嬰圖

觀梅

梧竹

悼胡氏妹

竹亭

劍池

箭溼

南窓

中秋對月

月潭泉上偶詠

借道書

沈宅燕集

燈鏡麈尾三詠

詠屏

古香臺

師林池上觀魚

松江道中

慰杜二寅

眠雲軒

晚步

寧真館

窓前梅

吳越兩山亭

寄高士敏

曉過震澤

環隱

西園看花

簷篋軒

懷李莊

風

悼亡

菜邁為余唐卿賦

卷之三 五言古體

蜀山

步至西余山

張靜居清晏堂

峇北郭諸友

挽危明府

峇吳宗禹

還山有懷

苦寒

遊西余山寺

遊淨慈

遊南山

和懷吳興舊遊

蜀山館中

入谷不聞鶯

夏至北澗懷知己

懷張山人

登戴山

崔生南軒

石帆山圖

種菊

采蘭

答張來儀

復寓蜀山

閒居

病中示游生

贈陸處士

望雲

傷往

殘燈

賦雪山送陳庭學

賦獅山送友

批葉渡送友

王彥舉聽雨軒

贈朱默齋

宿濟瀆山房

夜聽份僧誦經

劉伶臺

送程昱

賦釋迦鉢贈僧

賦露草送友 晉冀紀行十四首

卷之四 七言古體

與諸友賞月 次高季迪韻 連理木

鰻生柳莊 贈巾生 葛仙翁移家圖

贈崔孝子 晚歸 瑤芳樓

次王止仲韻 觀為樂次韻 題明皇夜遊圖

月軒 西山爽氣樓 翠竹黃花二女圖

尋梅題山家 要呂山人 鵲軒

送王儀中 送許監事 淮河看月懷張羽

皆山樓 春陰應令 楊孟載畫竹

秋江送別 二喬觀書圖

卷之五 五言律

田家

送徐孟岳

寄金子肅

杏林圖

東城道中

訪蟾苞二上人

送唐處敬

池閣晚坐

答宋仲温

遊雲岩兩阻

秀野軒

和高二啓聞琵琶

高記室見過

送易架閣

送王團練

丁未人日

飲花下

收穀虎為鑿賦

季迪病目

贈古心

待杜二寅不至

送李山人

寄呂志學

答余左司

綠水園燕集

宿真慶精舍

雨後過桃花塢

隣家桃花

詭柳

經廢永定寺

宿丁志剛宅

夜投白蓮寺

次韻答陳秀才

張來儀畫

月夜泛湖

宋天章南康堊親

題李氏墓銘

過東園

宿鶴瓢山房

寄衍書記

對鏡

雨中過陳則

過翠亭山

閔氏廢圃

晏起

中秋

訪席有道

妙智院望虞山

喜王介休過

宿宝師房

題金山幽居

虞文學村居

藥圃

蝶

洗藥

遊靈鷲寺

約李伯章不赴

菊窠

許孝廣見過

次韻如律

次順浩師韻

寄李道士

藥隱

宴雅會堂

春江雲舍

陋居

池上夜坐

問謀佺二上人病

卷之六 五言律

泛碧浪湖

遊浮玉山

晚過費氏贈天目

一身

宿彭閣

南垞懷陳文度

夜行東湖

黃莫翁見過

蜀山書舍圖

對月呈諸友

期友遊張林

寄道場渭長老

贈隱者

蓮涇莊

閑居

周老別業

趙道士山屋

山中琴興

黃山人梓里

登東林塔

馮山人湖上別業

答胡勉

思親亭

送湯伯貞之京

送思上人

鷗

送張文學

詠妓

贈盧中

送江教諭

送馮明府

濯清軒

嘗上逢董莊

賦廣文舍

悼陸廷臣

楊進士載酒亭

秋晚

送客

立秋夜寓宿

秦淮除夕

戊申試筆

次韻感故園池閣

茅堂

獨坐懷鄉友

挽郭都事

三助教留宿

別方員外

送潘士謙歸省

賦荷送陳啓士賦陌上車

送王貞外省墓

送曾伯滋

送澄僧

送朱知事

送王越

別揚三兄弟

答故人楊憲副

歲晚

詠飛雲送友
逢俠客

五言排律

東里草堂

送人之吳江

送趙克常歸楚

賦石井

賦鉢送道衍

訪衍上人不值

送張明府

送王主簿

賦橡林送朱別駕

陪宿遂初庵

卷之七 七言律

寄周履道

次高二留別

送張山人還天平

訪傅上人

贈鑿士

贈隱者

贈趙安道

春官詞

題胡玄素山居圖

藏春軒

陳逸人過訪

寄王校書止仲

園隱圖

宋參政事狀

送王架閣南歸

白塔懷古

途中寄友

彭江

登廣州城樓

送日本僧

答故人楊孟載

卷之八

五言絕句

坦率子畫

送呂庸南

萱草

次衍師韻

送王隅人郭

懷王介休

別董仲惠

元日立春

元宵遇雨

題畫

六言絕句

畊漁軒

畫

送松江王令尹

寫意

咏情

記夢

送別沈德慶 墨梅

卷之九 七言絕句

紅邊秋柳 陸雲

婕妤怨

春懷 約看杏花

九月八日菊

瓶中菊 芙蓉

答王七隅

舟中聞歌 閑行

夜坐

詠三虫 野亭讀書面

水仙梅花

菊竹梅竹 画馬

雨後慰池上芙蓉

雨館有述 贈陳相士

送客至東遷次韻

葉棹素山水 石屏

烟柳

壺中桃梨 晚尋王隅

雨中

雨中對榴花

二美入画

和楊署令禱詩

答揚令送菜

回文

題來儀懷友詩後

兵婦死烈

酒醒聞雨

答來儀慰予喪子

訪柱上人

次韻感偶

六月見榴花

折蓮呈孟載

棄瓢卧雪画

慰吳允堅喪妾

登東臯亭

東丘枇杷

登白蓮閣和見懷

贈杜况端

見端有感

江上偶見

贈高幼女

夜聞酒聲

同季迪宿至剛宅

釋德讓苦吟

過寧真道院

聽歌

西岩漁画

見梨花

聞鳩

惜芍藥

春暮見山茶

次韻看花

口號

圓明寺會宿

寄方山人彞

謫仙像

採藥

題荆南唱和集

送王守敬

月明聽胡琴

中秋夜對月

過王伯時宅

寄高隅仲

九日過寧真道院

倪雲林畫

十一月始見菊

題楊補之十梅

卷之十 七言絕句

答徐行正

謝友送別

次韻別王止仲

次蜀山別友

張文學見招

送呂山人

張甘白還吳

送呂管勾

山齋

西葵樓

僧舍聞鶯

紫菊

過南垞

春日報諸友

始聞新蟬

夢楊孟載

折花與鶯

病後行樂至池上

過南山

嘲陳允升

題會仙圖

泛南湖有咏

空木

還蜀山途中作

過吳宅觀梅

贈惠上人

題山果幽禽圖

暮春

林下燒笋

雨中聞黃鸝

呈二陳助教

贈明月

尋王張山人不值

寄佺師

父中不赴約

山中留別張靜居

山行

過山中廢寺

送趙卿之杭州

送張景則

聞鴈寄友

重到蜀山

舟中聞笛

晚發秀州

無錫道中

望京口諸山

七月望夜作

堤邊柳

泊楊子橋

揚州

揚州僧舍見花

送宣別駕

懷高季迪

聞鴈寄董莊

冬至

除夜

次韻楊孟載夢歸

聽笛

送頤謹中

送陳知縣

送方給事中

送謝負外

送葉令尹

春歸畧

贈客

題畫有感

滁州西澗

羊士觀山水

題冬青十二紅

廣州雜咏

沅湘道中

宿五溪聞舟人歌

寄陳叔謙

聯句

恠石聯句

北郭集目錄終

附錄

高季迪

讀徐七記室北郭詩集有感

一卷忻看故友詩詩留人去喜還悲西窓夜雨燈前
讀不似連床對咏時

周履道

讀故友徐幼文詩集有懷

欲與評詩恨久違楚雲吳樹兩依微讀闌北郭平生
稿秋晚室齋掩落暉

北郭集附錄終

北郭集卷之一

樂府詞吟

吳郡

徐賁

幼文

著

古別離

清晨戒嚴裝送別河之干北風塞上起黃沙浩漫漫冰
雪日以繁徒旅日以寒不悲道路遠所愁衣裳單徒行
義不可徒使摧心肝流光信奔馳君歸有時待但惜少
年去坐令顏色改

上留田

羽翼偏不能飛上留田車輪單安可馳上留田有弟有
弟寒且飢上留田為其兄者知不知上留田父母既沒
鞠者為誰上留田

五襍組

五襍組機上絲徃復還盤中碁不獲己人別離
五襍組園中花徃復還陌上車不獲己人無家

行路難

桃李不冬發寧識霜雪威丈夫不出門安知道路危渡
河恐傾覆登山苦峻嶮假問何乃爾言有名利羈名利
孰不志命繫造化為請君勿躁進藏器且待時

巫山高

巫山峯十二一一向陽臺聞說君王夢曾逢神女來樹
色悽離恨猿響抱餘哀至今雲雨裏徒使後人猜

邯鄲才人嫁為廝養卒婦

妾本邯鄲富家女學得詩書絕歌舞小時恩例選入宮
天顏一顧生春風崇臺往來十五載玉容無復桃花紅
君王寵新盛開宴還同賤妾初時見君邊銀燭照華筵
妾處秋螢閉深院當時自喜才名人如今始信詩書貧
辭君去嫁廝養卒不怨君王怨妾身

車遥遥送張都事

車遥遥馬駸駸車馬聯翩來君行獨驅馳北風吹城暗
摧土黃榆霜多寒入鼓車徒過關鷄未啼木葉千山夜
如雨丈夫立志期有成何辭辛苦關山行

折楊柳

人言折柳愁我言折柳好倘向柳邊行識君去時道

名都一何綺

名都誇綺麗千門爭向開射熊舊闢館迎鳳新築臺畫
較金吾過駿馬玉璫來縱橫九衢裏日日逐塵埃

神絃曲

靈風颭旗日光黑燈影半明斜照壁湘筠颯颯泣悽悽
翠裙香帶蘭葉齊跳梁絳鼠舞碧鷄神鴉飛出寒烟啼
紙錢嘯火高懸樹千輪萬騎登天去

神絃別曲

桂葉吹香楚花雨十二離鴛夢中語綠蛾紺髮團作雲
高軒夜降巫山女金爐蕙氣烈火濃畫簾羅幙春重重
翠樽進酒樂未終衆巫笑起鼓鼙鼙燭光倒射拊花紅

從軍行

裝刀不用金立身不在文昨日破邯鄲歸來論功勳君
王更部位官屬馮將軍

別離曲

山風吹霜榆葉老城鴉傳聲天欲曉征徒出門駕行裝
斗杓倒懸月無光我停露車客停馬荒烟蕭蕭暗平野
一盃濁酒且須傾九月垂楊不堪把歌聲感激絃聲繁
坐上醉人爭咲喧相逢相別皆草草心事如絲向誰道

新娘娘效王建

隣里爭來賀三朝禮數頻只是羞擡眼識郎猶未真

五索效韓偓

爲性好梳裹料髮更均腮手把百神鏡千回自照來可
憐手無力從卽索鏡臺

昨日下午河橋多被行人見花稀無處藏見我新粧面一
向不禁羞從卽索羅扇

幾回畏春寒不向庭中走杏花都落盡雨長春苔厚我
欲掃落花從卽索鸞帚

琵琶性裏好曲調手中便一朝絃斷盡欲接却無緣待
彈不可得從卽索新絃

閑將紅色絲結取承露囊一面芙蓉花一面雙鴛鴦不
藏鍼與線從卽索麝香

新曲效温庭筠

深宮漏永閉青春象床玉枕綉爲裯虹梁日出照明錦
流蘇風動墮香塵鴛鴦帳裏承恩重睡起鬟斜綠雲擁
艷舞濃歌女伴誇芳容嬌態君王寵好風景綺窓前
佳節良辰信可憐點腮試拭花梢粉畫眉還用麝臍烟
寶釵壓髻犀梳映幾度調粧看不定雙鳳雕成白玉臺
四龍蟠作黃金鏡粧成只是自焚香絳唇紅靨間明璫
歛笑藏羞向窓坐時理銀箏更炙簧內家花柳春風早
桃園杏圃聞黃鳥花鳥撩人可解禁多歡多樂年年好
一從少小擅風流日來歡御鳳凰樓侍奉君王無所願
上祝萬歲又千秋

切切重切切贈普仲淵

北身卷一
四
切切重切切相逢復相別君行車有輪我車去無因千
里更萬里宛轉車輪裏關山路險巖行速寧行遲

塞上曲

十五見天子十八領邊兵曾將一羽箭贏得射鵬名

新絃曲

絃頭響清人愛憐曲多彈雜難爲絃一寬一緊調復亂
卻把新絃一齊換新絃換上等要聽舊絃換下誰來看
舊絃舊絃莫謾悲新絃還當有舊時

采蓮曲

采蓮莫采多采多莖傷手手傷有時好傷我池中藕

蠶婦詞

采桑復采桑采桑未盈筐今年小姑娘蠶多獨自忙

三婦詞

大婦能刺綉中婦解藏鈎小婦知音樂織手彈箜篌上
客且安坐風光無日休

幽蘭曲

幽蘭不是尋常草長葉叢叢紫花小兒見東風夢裏來
綠豔烟濃紅日曉瑣窓護春春意暖宛轉清香吹不斷
美人昨夜度瑤琴白雪新消楚江滿

湘妃曲

麝娘唱怨鮫房黑冰瑟嘈嘈機罷織寒濃翠薄妬蟬衫
烟梧風竹爛熳色鳳聲天遠有誰聞雙蛾黛影愁不分

楚山九點秋未老
淚花染盡瀟湘雲

青樓曲

綺綉列中堂
羅扇映穠粧
鈿花新樣製
釵梁出意長
藏香詒荀令
笑指調周郎
不應妙歌舞
舊得事平陽

洛陽陌

君家天津南
我家孟津北
都因看花來
相逢不相識

青青水中蒲

青青水中蒲
織作團團扇
不肯贈傍人
自掩春風面

道逢鐺武威

昨夜看燈歸
道逢鐺武威
將燈調人笑
連手挽羅衣
引上東城路
邀我他家去
都無女伴隨
嬌羞不成怒
郎心

莫亂想想著直須媒蘭余胡敢御一夜坐堆堆

龍門有孤桐

龍門有孤桐斲爲三尺琴良材不易得軫玉而徽金冷
冷七絃間一彈清我心要知在自適奚必求知音

將軍行

朝出飛狐塞暮返雲中營提攜燕代卒意氣恣縱橫屢
奉天子詔萬里得專征霜風寶刀利曉日炫朱明穹孤
白象斲重鎧文犀成虜騎不敢向三邊盡知名裨校擁
纛前都護隨鑣行首功不足計當為誇擒生

猛虎行

爾虎從何來據住三叉口昨日啖東家猪今日噬西家

狗山中百獸不敢鳴白楊黃竹陰風生隣家少年憑意
氣彎弓掛箭巡山行夜深月黑候虎出明朝荒草餘白

骨

擊筑行和高季迪韻同張記室憲賦

和君擊筑吟請君側耳聽不是更容貌誰能知姓名主
人莫稱善坐客何須驚酒酣欲罷奏壯心難自平

短歌行贈杜君寅

白日雖苦短萬里落復生人生自有限難極歡愛情愚
者謀在食知者志在名愚智各有求誰能免經營秋花
容易老秋葉難再榮對酒心已醉酌酒淚先傾我非不
能遣柰此愁相縈君亦失意人請吟短歌行短短意自

長展轉歌不停

遊仙詞

浮遊虛空界蕭洒飛雲臺靈光照八景真氣凌三台日出東皇降月生西母來絳玉裝書笈文螺製酒盃長歌忽俛首溟渤揚黃埃

賈客行

賈客船中貨如積朝在江南暮江北平生產業寄風波姓名不入州司籍船頭賽神巫唱歌舉酒再拜酌江波紙錢百梁不知數黃金但願如其多須臾神去風亦息全家散福歡無極相期盡說莫種田種田歲歲多徭役

青絲白馬歌

銀鞍白馬青絲韁容顏花艷少年郎有時繫馬垂楊樹
逐翠尋香入花去

對鏡詞

蓮壺漏轉銅龍泣露壓香塵玉堦濕欲理殘粧喚鏡來
恰在石榴花下立犀梳未整寶釵偏綠鬟嬌鬢芙蓉烟
孤鸞飛入月中去離愁脉脉空嬋娟

宮中夏夜詞

涼露下蓮池雲廊夜步時小鬟痴欲睡頻說斗杓移

扶南曲辭歌

紅日映高樹晴光入綺䟽鈿屏開八字銀鑰啓雙魚羨
人曉粧罷流鶯春語初中使簾前立直待上金輿

長歌復短歌四章

長歌長短歌短百歲人生那得滿昔不樂今何如少年
焉用多讀書乘樞甕牖為窮儒

短歌短長歌長男兒有足行四方鞍在馬輪在車請君
莫言道路賒安能局束長在家

長歌停短歌起春風吹入行人耳壯年少老日多人生
有志莫蹉跎致君堯舜當如何

短歌歇長歌續百年碌碌復碌碌交者多知者少取次
論心皆草草志士棲遲眼中老

田家行

谿南種田溪北住屋東栽桑屋西樹阿翁八十不出戶

長男踏車婦織布大女送飯小絡紗幼男放牛未還家
年年納得官家足篋有餘布甌有粟田家古來多苦辛
飽暖各自全一身我願子孫親畝畝終身不識離鄉苦
農父謠送顧明府由吳邑陞常熟

我家茆屋臨官道前種桑麻後梨棗年年力作不違時
人有餘糧牛有草官長下車今五年老身不到州縣前
鄉無吏胥門戶靜家家盡稱官長賢大男入郭買田具
始知官長移官去來時憶向官道迎今日去時須送行
攀轅欲留留不止我民愴惶彼民喜殷勤再拜官道傍
願飲三江一杯水

漁父篇贈瞿敬夫

君本烟波一釣徒載得全家入五湖耽詩每笑唐高士
致產能輕越大夫往來不向州城住朝泊西岩夜東渚
筆床茶竈何用將篷底惟留釣漁具第四橋頭春水多
朝朝暮暮自經過綠蓑常帶桃花雨白漿頻翻荇葉波
春風秋月年年好銅斗歌中鬢華老閑愁捻在醉中消
樂事從教行處少但取魚來不論遲黃梁綠竹手親炊
飽時把釣醒時唱世事於君定不知

柳短短送陳舜道

柳短短春江滿蘭渚雪融香東風釀春暖山長水更遙
浩蕩木蘭橈蘭橈向何處送君行南昌去離愁落日烟

中樹

白蘋花送王汝器

白蘋花綠蘼草南風吹碧波五月湘江道行人勸酒離
緒多棹女棹即歌棹歌黃鸝啼時風景好大堤日落柰
君何君今去不可留山疊疊水悠悠

明月篇贈章子向

商飈拂絳河圓月溢金波澄陰斜映桐池近爽氣遙連
桂渚多穿櫳窺帳虛塵淨鑿帷照牖芳香冷翫賞何人
倚畫欄瑤華翠羽流空影含情抱琴為調絃絃中新曲
重堪憐不見嫦娥空歲歲漫思湘女自年年天上人間
秋浩浩此時此景誰家好陳王園內咏初成庾令樓中
醉欲倒松醪斟醕滿金杯嘉客良朋逐夜來當筵光彩

聊供覽不須催駕上瑤臺

聽烏詞為陳惟允賦

烏烏烏鳴相呼朝飼雛晚飼雛昨日飼雛雛尚小今日
雛飛烏已老老烏長日不出飛衆雛反飼啣食歸飛
不離君家屋夜後還來屋頭宿屋中主人千萬情見烏
得飼不敢驚願歸見親學烏飼軒不名烏人不媿

愛日吟為孫希範賦

讀書從教寸晷移照鏡不怕朱顏衰阿翁垂白年有限
只恐烏飛去難返人生在世誰無親亂來各自逃一身
十家父子九離散似君團圓能幾人白日可買金可得
使翁壽長應不惜

望雲詞為貝公遠賦

朝望雲悠悠暮望雲漠漠望雲雲不盡思親雙淚落迢迢親舍東海濱但見白雲不見親得親身安年不老還家雖遲心亦好

蓼莪吟為朱公路作

昨日春雨好莪葉青青小今日秋霜飛青青盡枯槁秋霜春雨各有時兩丸東西寧少遲兒今得官親不在滿地寒蒿不堪採

歲晚行贈習尚鏞駕部

苦哉歲晚西風悲美人不來寒鴈啼十年裘馬走南北禿髮已白歸無期悠悠世事春前草淺碧嬌濃豈終好

長路崢嶸駑馬勞坐覺今晨色枯槁海內英雄今幾人
逢時吐氣干青雲當前勸酒君莫逆但願四海生陽春
君不見昨夜天邊孤鳳鳴老夫伏枕雙涕冷

梅花清夢辭與貝廷琚博士同賦

愁雲淡、搖碧空、瑣窗虛掩、閑微風、芳魂欲迷、踈影亂
滿庭細月香溟濛、夜景沉、春漠漠、翠禽啼春、不覺
水澁銅龍漏、轉遲霜華暗、妬青綾、薄惱情橫、玉泣小鸞
畫屏殘燭圍素寒起來重覓舊遊處、曉烟十二空闌干

海雪詞與唐處敬題

搏棗亭、塵帖、三山曲、連屏樣、疊馮夷、竊得較人綃
巧裁六花不用刀瓊芳攬空夜迷影神挾剛風去俄頃

馬銜骨戟泣貝宮咸池凍合烏愁冷回首烟生九點青
冰車飛輪天上行下看荒月斜照城鼓角未醒鷄無聲

雷雨護嬰詞

少婦抱兒行且遲雷雨路中忽遇之兒驚欲啼手護兒
道傍逆旅固可依君不見王凝妻

北郭集卷之一

北郭集卷之二

五言古體

吳郡徐賁幼文著

雜詩六首

雄京據咸陽百二連山河丹樓與翠館宮闕高峩峩天
中王氣集物象正熙和清晨會軒蓋劍佩鳴相磨侍中
復道上相國九逵過侯王各建邸薨棟如星羅千金交
趙客雙壁聘秦娥榮貴倫許史功業崇叅何勉彼蓬蓽
士壯志無蹉跎

崔嵬南國山上有百尺松挺然為良材枝葉鬱籠葱附
根一何高雨露濯以蒙岩巖互叅錯危石當其衝匠者
徒覬覦欲取無絲從所以千載間得免斧鑿攻孰云樗

散木天年獨能終

吉士篤古道狡人飾虛情
撫謙信寡過當任戒持盈
林世俗多變結交諒匪輕
聖主建廣業尚須多士成
矧茲下愚質安可捐交盟
竒計固云昧前籌愧無能
立身三十年豈不志功名
屢聞走韓魏亦欲接群英
反側吾所慮守已嘆孤惇
誰能斷金義相與濟危傾

木橘何纍纍列生湘水湄
年多逾茂盛土地之所宜
美人渡江去分種淮山陲
一旦變為枳遂令木性移
勉旃君子操無為他人隳

飛鴻度衡湘遊戲寒江潯
携群復挈侶浩蕩同浮沉
一鴻忽失意矰繳乃見侵
衆鴻不忍去徘徊發哀音
悲風

何所惡積水而又深欲渡那不得徒存恤鴻心
扶桑靡由登六龍信難挽我何不量力欲使白日返短
景苦相迫歲節忽成晚垂螫念在春木落命歸本循環
理固然天道豈云遠

讀史三首

周衰麒麟出漢末黃河清見之非其時徒有嘉瑞名古
道既緬邈企慕惟空情茫茫千祀上此義聖所明

堂坳不容杯渤澥納百川大小何乃殊其量使之然鄙
人器易盈德士心廣淵美哉黃叔度千古稱其賢

魯連天下士氣凌七國雄能令一箭書坐收遼城功秦
軍苟不卻高名亦成空當時受黃金遂與常人同所以

有志士千古欽遺風

芟草

草生何離離沒我園中路每行又復止念我荷鋤去對此空嘆息無由展幽步芟夷匪力殫沾裳畏晨露沾裳既不可此意向誰語棄置獨歸來且當息吾慮

次韻高士敏

魯連天下士倜儻好壯遊價直千里駒自非駑駘儔讓稱國士殺身本無求人生豈不惜義在恩與讐吾也慕前賢所愧失進脩黃金散還至白日去莫留持心諒難許知己不易投詎無三寸舌空有一弊裘耻隨鄉里兒紛紛競伊優去從李輕車托身欲終謀高名動群雄

壯氣橫九秋寶刀晝夜鳴逢人敢輕抽日高出蒲壘日
入還莎丘邊風萬里來霜寒草颼颼歸懸白鵲旗斬得
名王頭洗兵嶠關雪飲馬黃河流天子不得見蹉跎反
成憂日同博徒醉聊解平生愁一擲百萬錢一飲連千
籌丈夫志不遂有若疾未瘳時往如覆水在地誰能收
何當謝塵鞅終焉事巢由

妙蓮禪院與王守敬燕

適從郡齋暇遂就中林約閑房夏景清冲懷付琴酌衆
樹綠已稠時見餘花落池容泛斜影禽響喧幽薄佳朋
自難并况值良辰樂

題兩伍張氏墓表後

古道遠難復澆風俗易便庸人但碌碌志士獨不然荆
楚尚事武寧論儒為妍企彼良伯仲委心惟簡編行義
弗少虧墳簞日相宣仕途並榮踐藝圃從周旋光華灼
邦懋裔嗣承家賢斯人竟緬邈儀容隔重泉芳蘭闕永
夜宰木俱遺阡孰云天無知福善茲可鑄

舟行崑山懷陳惟寅山人

粼粼渡斜渚宛宛漾晴川日入風逾駛舉棹屢洄沿
花折還斂漪文斷更聯畔人歸負耒漁郎行扣舷煙壑
各闕態霞嶂獨逞妍睇近固流迅矚遠乃遲延羈懷欣
暫息離思愴仍緣安得偕吟侶覩爾瑤華篇

卧佛宣講師經院贈李道人得處字

來尋講院僧遂到看經處
踈雲翳涼霄竹色映逾暮
入深鳥驚喧迴飈落高樹
喜逢方外友遂適林中趣
瞻詠更徘徊偶然忘去住

題虞山人家南軒勝伯

榮名衆所慕隱趣良寡知
君子苟明此意羨神自怡
伊人習嘉遯遠與塵世離
崇軒結新構深靜抱林池
高荷既豐溥密竹更逶迤
靈禽夕下渚涼飈晨汎漪
肴觴置前席談燕無休時
祛喧信成羨為樂詎非宜
來惟動情款寄爽恒在斯

陪潘右丞燕集

輕颺變新燠踈雲釀微晴
幸接芳時燕歡承嘉會情
筵

花始開杏谷鳥未聞鶯不盡杯中意更復駐前楹

八月十五夜飲王擴相川別業得動字

風高海雲收月出天宇空今夕寒暑均適與諸君共懽
深坐忘永契合飲易痛露螢寒不飛水鳥夜停唳山精
各潛匿銀蟾忽飛動亭亭廣寒桂不知何年種我欲問
姮娥素鸞無由控佳節屢變更壯心久恹恹人生非仙
骨有樂當自縱惜無桓伊笛為爾作三弄

喜方張二山人見過

伊余積淵抱鬱鬱寡歡心披卷即追故撫景又悲今賴
茲二三友携挈遙相尋閱畊涉南畝屬望踰前林草木
發佳色禽鳥相和音雖乏珎肴具清醕聊可斟豈惟事

言咲亦得弄書琴冷然郢中曲婉乎洛下吟微此良宴
會離索信難任

懷陽山射瀆徐隱君行正

繁星麗遙漢薄露下秋旻仰瞻南飛鳥局束嘆此身鬱
鬱耿中悄悄惻惻抱長貧流念故舊間矧是同宗親理歡
竟無繇恨離還有因托棲北山表絕跡東江津青琴徒
屢奏白雪亦寡聞空持蘭與貝誰為致殷勤

哀故樞密西夏邁公

邁公西夏英價重雙白珙早年氣骨爽已覩毛髮聳讀
書敏前哲下筆脫荒茸鰲頭報竒捷書上天賜寵初為
錄事長政治不憚冗德孚島民服勢屈苗獠恐奸邪循

軌轍宵使駕馬要粵峒蠻失調盜起蝟毛辭時公守團
練士來若泉湧儲材無大小寧論梁與棋餽餉藉民給
車輛再三軒非關威力加雅望素承奉大旗建高義所
指無不竦行安牧溪變坐息暨陽詢餘民地旋復降虜
道爭擁東州冠百越倚公丘山重世之大將才今見儒
者勇兩府鸚交飛陞轉檄屢捧孰知孽臣謀陰黨互從
吏倉皇朱亥椎禍及不旋踵天將昌群醜壞此長城鞏
一軍失光彩衆庶盡擗踊獨幸子獲存拭目茂先種姓
名空竹帛勲業付丘隴差我會稽山碑石立孤塚英風
朝夕興落落松栢拱我來弔遺烈淚下不可壅

喜潘牧胡布見過

麥候野氣和鶯時綠陰靜餘紅墜仍骨飛翠鳴還並歡
承竹林賢情暢蘭亭詠湘雲簾上看郢雪琴中聽遠地
偶來居塵事因茲屏

過荷葉浦

粼粼水溶春淡淡煙銷午不見唱歌人空來荷葉浦無
處寄相思停舟采芳杜

題銅塢後山石

山行興未窮復登白雲嶠石上識曾遊墨花破孤峭隣
僧尚未見知有幽人到

燕余左司宅

初晴麗前楹輕寒洵幽院酒氣菊邊聞鑪霏竹間見禮

秩俱澹忘情交自深眷嘉會在永期閑歡足清宴

題陳允中山居圖

昔年為客處看圖懷故山今日還山住儼然圖畫間泉
來繞蘭庭月出對花關應知農事畢高坐有餘閑

池上晚立

芳草湛微漣高柳駐餘景喧喧林鳥繁藹藹墟煙迥幽
情辛難愜因茲立俄頃

衍上人蕭然齋

高林洒繁露閑齋自翛然俄聞一葉墜應我琴中絃野
水寒欲淺遙岑秋更妍清晨理梵罷窓扉霽餘烟

七夕有雨

錦機織初罷鵲橋駕始成
每是經年別寧辭冒雨行雲
帔從教濕月殿不須明
但盡相逢意無語別來情

松路山岩圖

青溪入花源流水春溶溶
趣深屢迴轉溪上森群峯
參差樓觀間縹緲神仙蹤
閑陪羽客行時與樵人逢
踈蘿映崖瀑薄雲蔭岩松
孤鶴偶徘徊衆樹恒芳濃
踐茲非徒遊要當盡從容
固乏丹泉術終期此相從

獅子林竹下偶詠

客來竹林下時聞澗中琴
經房在幽竹庭戶皆春陰
孤吟遂忘返烟景生逾深

巨峯林館圖

林峯散芳氣，泉木搖空濛。雲房三十六，窈渺烟霞中。羽人晞髮罷，日出千花紅。長吟招碧鳳，小舞令青童。融心醉玄液，逍遙凌八風。

題齋前蕉石呂志學嘗題此故落句及之

芭蕉倚孤石，粲然共幽姿。南風一披拂，綠葉相參差。新苞曉初解，涼陰午正宜。無由寫閑思，對此詠君詩。

惜嬰圖

佳兒逢吉日，內人開慶筵。蘭馥庭前瑞，桂降月中仙。長眉春與秀，重瞳秋向妍。客聞啼亦喜，母看浴更憐。擲玉礮為果，貽金鑄作錢。武攬華弓小，文持湘管圓。舊知熊入夢，還徵鳳集肩。積世寧無德，傳家今有賢。

何較理閣上觀梅

新構奐崇閣宿植發高梅的的循闌起矯矯逐簷來孤
枝偶斜轉繁花俄驟開向日光浮袂凌風香繞杯平看
信瑠圃俯玩訝瑤臺法曹自能詠留題愧菲才

錢彥周軒前梧竹

種分嶧山表本移沅水陰風枝和奏簫霜葉應鳴琴池
承色逾淨窓當蔭更深緗花委夏井文實助春林何曾
務直幹祇欲抱虛心君念記清隱余將期遠尋

悼胡氏妹

絲蘿既難附蕙蘭寧易親每稽通淑問那忘結素姻淚
餘巾上粉蒐棲帳底塵窓花始愁旦墓鳥亦悲春欲邀

千古月照此九原人

題竹亭

斬伐來渭水結構比黃岡
雨氣森遙席蘚色翳空梁
焚香碧雲合掃塵蒼雪香
虛心絕外有抱節此中截

劍池

在帟丘

闔閭試劍處靈泉湛澄靜
苔花漬餘血石色帶古礦
空山秋氣寒幽林夜光冷
月明樹交壁人靜霜折綆
古懷且當置清景庶足領

箭涇靈岩山前

清谿無縈迴西望渺何極
岸直形如剡波迅勢如射
飛鷗訝流羽亂雨疑鳴鏑
天狼不敢渡澤兕應當匿
我志

孤矢間一覽如中的

題南窓

南窓對高樹中夏綠以枝偶然倚窓坐值此涼風時我
非傲世者寄身聊在茲有酒但盡醉餘事非所知

中秋廣福院對月貽戴尚文主簿

秋色靜香臺水輪雲漢開粲粲瑤華墮皎皎夜光來桂
露穠棲席蓮香滿盃盃自欣陪咲咏更與駐徘徊

月潭泉上偶詠

長林行未竟群峯俄聳青高石棲霞氣圓影抱月形
聲當聽轉蘿花逐援零更欲探靈蘊終將測窈冥

寄方山人借道書

神文越幽爽夙心允見傳未沐啓玄秘至使昧瑤編微
痾固期愈頽齡或可延妙理脫深悟靈淵曳五烟

沈校書宅燕集

初夏未知暑涼風覺微清殞池俄駭籜轉枝屢聞鶯新
蒲綠漸匝餘花韻猶呈有此玉尊酒可使景傷情

張文學席上詠燈鏡麈尾各一首

曲屏啓雲母華燈繪洛神帶新看剪綺花明識鏤銀光
淡楹間月烟融閣裏春紅熒照多處憐有按歌人
質鎔藉金冶托影待珠鉛藏將綉囊護臨向玉臺懸全
明物自照半掩體仍圓應當頻摩拂誰得避媼妍
山麈誰剗尾繽紛縵長纓微拂塵應卻頻揮風屢生野

性知慕潔素手喜便輕相將怕在握逢人幸資評

詠屏送周伯陽

巧飾辭雲母畫盡比晴天密防宜便坐連張須廣筵月
臨皎乃隱風當駛亦旋望處憑移障只恐見離船

題桂獨芳上人古香臺

花擅秋時盛根自月中分泥露何須折因風不待聞茗
瀹承芳氣蘭蕤讓幽芬心清歸妙悟今古奚足云

獅子林池上觀魚

微微林景涼悄悄池魚出欲去戲仍戀乍深驚遂逸行
循曲島幽聚傍新荷密不有濛梁與誰能坐終日

松江道中

計程行苦遲望埃到知漸
桃寒紅待折蘼暖綠成
染潮中蟹柵鳴烟際
漁扉掩在路即多愁
毋勞問夷險

慰杜二寅

天地一大環日月行其間
人生稟造化在世間得閑走
者無鰭鬣泳者無羽翰
萬物各任性運動合自然
君子貴聞道何必多苦顏
蜀道雖崢嶸不度何險艱
世事雖歆傾處順何憂患
請君聽我言君且收潺湲

眠雲軒

飄飄度丹檻冉冉棲瑤席
拂衣疊輕素映帷變微碧
氤氳多陰浩蕩春無跡
偃體恒自便寓情諒還適

晚步

雨餘夏氣清烟聚園齋暮紅萱宿困蝶綠橘垂新
蝨艷情杯裏融幽意琴中度蕭散且未寢遂適前
度趣

寧真道館

林館極高爽微風生夏涼長席敷花艷空壇飄蕙香
簷蛛忽墜網園蜂尚棲房臨尊復延咏因茲消日長

窻前梅

名園無襍卉幽窻對高梅晴豔微流席寒香暗繞
盃的樂花間雪參差枝上苔歲歲春風首瞻咏此徘徊

尹明府吳越兩山亭

長江接海門一水限吳越兩山鬱相對峯巒各羅列
勁勢爭吐吞蒸嵐互出沒尹君好遊觀結亭山水窟闌干

出層巔細路縈百折崩石絡垂蘿老樹着棲鷗平生登
臨興盡為山水發不知嘗膽人此地幾征伐至今兩山
雲來往似奔突嗟予客江海所歷多竒絕何當上斯亭
長歌吊遺烈

寄高士敏

霜楊漸摧綠汀霞猶駐紅寒節鬱易感惆悵此時中團
沙止棲鷗驚颺迅冥鴻啓扉見殞葉循澗惜幽叢懷人
積瞻思咫尺何由同寧知登覽處結盟愈無窮

曉過震澤

遙天散晨華踈星斂微采鳥聲出林繁木葉過霜改荒
村幾家存平湖衆流滙鷗夷邈無踪空煩艤舟待

贈毛鍊師環隱

造化固無盡周流行不息無端亦無倪萬古一太極道
在隱見間動靜各有適人心秉至靈神用妙莫測不知
毛有道環中竟何得

西園看花燕集

暫輟南齋卷因就西園酌日臨花氣暄柳絆晴絲弱芳
樽浥桂芬華筵藹蘭焯煩襟鬱易舒秩禮歡仍畧以茲
協素懷庶可踐嘉約

簷篋軒

小軒闕幽寂迴闌碧筠護寒色晴裊池垂梢曉縈露陰
凝訝烟積籟起知飈度瑟々含夕清蕭々淡秋素不有

虛心人何由同歲暮

懷李三莊

籬寒菊未拆墻陰草易衰棲禽深避雨遊魚暗分漪幽
居自多感況此阻良期雖非間川岳芳晨悵離思

詠風

微々來綺陌悄悄通青瑣汎池蹴鱗文翻露墮珠顆遊
絲飄宛轉舞袖吹婀娜拂絃清響流度林殘萼墮聞鈴
屢不眠候旌因久坐

悼亡

月虧還再盈花殘有時芳之人逝不返胡寧不悲傷音
容去未遠恍惚如在傍居外意在室還家始驚亡兕生

絕及月撫字憑誰將夜寒飢欲啼起坐但徬徨服御存
舊製篋笥樓餘香欲覽復棄置涕下沾衣裳

菜適為永嘉余唐卿右司賦

遠辭華蓋居來卜山陰宅乍到俗未諳久住地旋闢屋
廬尚朴絕楹楠謝雕飾高營踞山跼深甃逗泉脉簷將
狼尾苦門用鼠莞織缺垣唯補蘿圮砌總蒙鶻編籬限
邇隣樹枿表殊場本來是野性豈是耽地僻學圃欲擬
樊為功敢侔稷寧惜勞外形自甘食餘力耕鋤限兎課
灌溉當僕役破塊何昉昉陳噐亦畷畷駕許俗士回屐
向隣翁借筐筥織湘材鋏鍤鑄棠液卓鑿鷹嘴利負簞
蝟毛磔俯仰疲枯槁沾洒漬撥禳循畦行策鋌偃林卧

歌石鑣披欲芟丘刈削竟驅礫值阜即為坡遇凹就成
洫堤崩防密葭竇隙拒亂棘地同農畝計區學井田畫
長畛縱復橫曲渠廣還窄接流引餘清踈沼匯深碧架
桁秋實垂籬落夏蔓幕雨露加膏腴糞土發硤瘠識種
題裹截辨類分行植時法常按譜候時即看曆蕨芽拳
握紫薑擊拇駢赤兩合憐薊攀叢生愛鉞芟初筴迸蟄
雷新臺長春藻雀弁芟葉我馬帚并莖直黃繁微絃綿
瓠老枯瓣拆芍苗卷龍鬚藥幹擁牛膝黃獨雪晴收紫
萼露晞摘陰堦茂菴老下田豐菲惹捲輪木耳垂攢刺
菱角射秋茄采更掃夜韭剪仍殖芝芳凝海瓊芡鬱點
池墨枸杞香可醪竹筴熟堪腊石皮被柔潭土酥膾肥

酌細尊入饌鱸鮮菱襍羨鯽茶苦檠與儔松脆水為敵
茵櫨西蜀致首菊大宛得長索苻帶流亂簇陳絲繹芹
效野人獻瓜為天子副音福也決明纔一方蒿苴連數席
璫藥慰渴心玉延起羸疾葷毒咲非喜芥辛泣詎戚盤
根芋埋壤脫穎筍穿壁擷香憐雞蘇折甘嗜燕麥粟腐
切方圭乳餅斲圓璧孕子梭受剝贅聃石被馘兔目淘
夏槐鹿角芩臘炙菁托諸葛呼巢以元脩斤諸葛元脩
二菜名
蒐褒蔡守清薇怨周節逸邪蒿義所攘穢蔓理堪啞薄
利嘉拔葵省謗惡遺蕙窮餐壘酸黃儉啖薤留白閑情
付田園生意仰膏澤莢齊翠疑剪甲拆綠訝擘掩舟烟
際姿恣藉兩餘色始掇惜滓染載滌畏虫螯新薦或在

蘧薄湘亦須鬲求久漸投醯致爽遽沃醴不須僚友送
敬向先聖釋對屠誇大嚼燕客忻小摘拌羞不過三甕
渣當飲百未能著蔬經安敢踰食籍旨蓄足山厨素供
過香積用茲卒歲年庶得勤朝夕賓魏徐見厭厄陳顏
自擇潔畚士耻污造橋盜懷恤抱甕忿設機授書誚求
益用侯君房微嚴光事縱馬因致憂吞蛭遂亡謫萬錢柳復乞片
金華還擲仕知呂姪安居味鄭人識枕肱仲尼樂傷指
范宣阮鼎臠固云嘉食簞亦足適敷淡分所安堪味欲
易極毋因口體累遂使愆民德

北郭集卷之二

北郭集卷之三

五言古體

吳

郡

徐

賁

幼文

著

蜀山

在吳興弁山南十里

喧囂厭已久閑居喜茲遂
茆茨起高明澗道入深
邃鑿牖通震方開扉面
離位藩編槿雜篁壁補
蘿牽荔并欄旋解苞田
植齊吐穗溪山固可娛
風雨亦足庇到日始
八九良友得三二客情
卒難愜人性頗煩記時
具茶果招或携酒肴餽
感激壯歲心慰藉平
生意茲欲尋幽期
弗暇理塵事諸方未
遍遊近處聊一至指
引賴茲芻蕘隨行有
童稚陟怯危磴歌
瞰訝頹岡陂褰蔓
悟險途披叢見傾
隧緩流似矜清
舊藏欲呈瑞
變綠亂藪
薦發頹老

士身卷三
葉醉深村羈旅絕荒山古祠闕厓攢紫閣陰松映綺疏
緞聖像委蒙塵靈幡驚吹青史失記名朱榜但題謚
庭空衆草羅地僻百蟲蚊鳴禽語供弦飄雲影翻幟螢
停暗帷燈蝸篆仆碑字栢癭蟠輪囷瓠子懸重髓喬林
神鴉號卑薄鬼蝶戲甃虛泉脉通級夷石髮被怒蛙怕
瞋睛痴螳忽掉臂鼠行黠無聲螳旋馴有次壞柱腐耳
垂敗几蒸眼漬絲腸胃孺蛸憐飛見魑魅蝮蝨供後花
爨窺祭餘器浮烟不熏爐溜雨常停解崩垣窟驚屬崇
簷巢惡鷓野蒿食復生園棗啄將墜收笛秋霜清樵歌晚
風遲嵐光疑積愁谷氣如發喟對景獨感懷覽物各求
類癯祝勞遠陪慵僕倦久侍歸時群動息日脚在平地

步至西余山有詠

翫遊寡閑侶獨步思彌清
迤邐適茲山于時莅新晴
雲容落朝麗林采煥春榮
煖崖芳卉集陽坂纖芽萌
鳥逝何杳眇泉注每縱橫
意會乃成坐興盡還復行
此身在貧賤庶少俗務縈
緬懷羸臺子仰羨安期生
非徒邀猥跡永締烟霞盟

張靜居寓菁山以清晏名堂要余題先以詩見
美因賦此酬之并似周伯陽

山阿久寂寞堂虛歲亦陳
自君此安處煥焉復崇新
令德賁泉石流風播松筠
列岩易常態諸澗澣來塵
猿鳥若釋愧雲霞如返淳
乃知景與物所據實在人
棲隱雅

足稱况彼有良隣念余本同趣琴酌恒許親
眇茲信清晏題名諒為真謬書忽見取來章
誠可珍何以報泚賦篤好行載申

山居答北郭諸公見寄

葺茅古林隩闢蹊崇石根篠間伏驚犬桂裏過鳴猿穠
春花蔭席涼秋月灑尊多君同遠好華枉丘園

烏程危明府挽詞

製錦才堪仰埋玉恨難任銀章存寵澤朱琴失惠音賢
知交士重愛說治民深未申為子養終辜迎母心

次韻答吳宗禹

佳景屬朱明涼陰被池園坐看寸晷側歸禽清響繁飲

茲樽中酒無煩問料食辱君枉華翰展覲散紆煩所欣
洽朋舊徜徉自晨昏形閒久息役心澄始寧魂徹聽軒
中來悠然對琴言

別呂山人獨還山中有懷

晨艫既同載夕館今獨歸林颺敞蘿幔池月淨苔衣幽
痾傷久抱良娛悵重違欲弭茲宵恨惟賴此音徽

己酉歲冬苦寒

仲冬朔吹嚴雪零應寒候枯條競鳴宵頑陰互昏晝淤
深途絕車冰閉城失漏窮谷噤孤獫叢澤匿群獸梁園
祗自誇表門有誰扣寧忘嗒羶塞每思射鴻圓鶴語固
可徵鷗盟豈宜復更須挾重裘且當飲溫酎

遊西余山寺分韻得綠字

寶林被溪陰真境開山曲僧居慧日深佛處慈雲馥座
蓮呈古青闌桂敷新綠水定育靈魚花竒致馴鹿勝因
托同遊清景行相續一從離喧囂終懷老岩谷

春日遊淨慈寺

看山候初晴連騎西湖道遙遙烟際墟冉冉風中篠谷
寒聽鶯遲路遠逢花少林蹊幾登頓僧房更窅窈重來
感昔時翻令失幽抱

遊南山燕集

俱在西湖

居隘局邀心聘望得崇險岩巒麗參差烟雲紛掩冉薰
林識蘭氣縟岸炫桃燄鳥歌欲求和春波不加染延賞

合良儔摘辭愧余忝

和張文學懷吳興舊遊

雙溪匯中郭群山帶高閨洲芳白蘋曉堂淨碧瀾春王
孫各建第貴族自為隣醉邀射鴨尉閑訪換鵝人回頭
眷遊女連手狎嘉賓畫舫垂楊雨組騎落花塵樂境倏
以變賞事竟難循君懷茲念昔予愁方感新

蜀山館中

秋風吹練衣獨驚遊子心空山應金氣十日五日陰始
欣草木蕃復見霜露侵客館固蕭條豈無酒可斟臨觴
反不樂所感親故深飛雲引長望鳴蜩續孤吟家鄉遠
莫見斜陽罷登臨

入谷不聞鶯

幽谷物候遲黃鳥未弄音坐久聽逾寂衆木澄清陰
此芳菲日何能慰吾心

夏至日北澗自留坐懷一二知己

日午步屨去行循北澗澗解衣因坐久對此嘉樹林雖
無薰風至微涼滿芳陰况茲澗中水汪然澄我心白鷗
自蕩漾黃鳥有好音我有一樽酒欲酌還停斟安得携
朋儔於焉共清吟

與張山人別後懷

碧山既偕賞青谿倏傷別遊絲行處墜雲光望中滅流
思記幽蹤軫情眷芳節無由展良覲從茲委娛悅

登戴山

在湖州臨湖門外二十里

平田渺空曠孤崗忽高峙新松蔭其巔白石繚其趾初
登若蘄絕稍上乃如砥巖風蕩高寒微月中霄起亭亭
日晷側肅肅征鴻駛南招天目雲北覽具區水比來局
羈絆遊遨喜茲始同心良可重懽言得佳士非惟外累
遺沉憂亦成委薄暮聊旋歸餘興會留此

題崔生南軒

軒居曠宜夏嘉樹覆前榮南風藹繁綠幽禽時一鳴理
櫛陽光啓奏琴涼月生逍遙自旦暮于以暢閑情

石帆山圖

石壁如飛帆天風吹不去千古障層空隱隱拂天柱遠

映江上舟高出林中樹相望值春暮懷歸謾延佇

種菊

蕭條齋舍前隙地頗高爽茲馬倦耘鋤而乃成廢壤適
來學種菊始為驅草莽掩苒籬落間枝葉紛以長雖煩
灌溉勤亦藉雨露養秋香固所說晚節益可仰匪曰表
隱名聊以備幽賞

采蘭

采蘭江之濱蘭葉何縻縻采之欲遺誰將以贈君子幽
蘭氣惟馨君子德惟美願言結同心終古詠無已

荅張來儀嘉子見過之作

會合自昔有茲遇諒非常孰知謫餘者而復登君堂承

顏愜素仰聆論慰離傷矧乃二月中物景屆春陽歷歷
嘉禽哢靡靡衆樹芳清芬已云好重有酒盈觴詢俟舉
舊札攄情藉新章榮貴豈衰慕所靳樂時康

復寓蜀山

肅舫自東來茲復寓衡宇雖非吾所居暫寓亦云主豐
燹覆前田嘉蔬盈後圃力勤不自出食焉愧無補幸免
異患干詎敢謝貧窶俛仰穹壤間微躬獲多祐

閑居

謝事返丘壑退畊理田園茲心獲遂初稍得洒中怡振
策升崇巘揚舳溯長川驚湍信汨々清溜自涓々新蘭
艷遲日密竹曳叢烟東館朝燕坐西林暮獨還朋舊固

云曠山水聊資緣居誼暫亦遣習靜久乃便已幸駐靈
藥復能諷瑤編既無羨魚志外物非所遷

病中示游生兄弟

炎暑負微恙開軒來遠風空山何所有草木苑以豐終
朝起復卧俯仰將焉從固乏賓友集諸生賴相同時令
誦古詩聽之意無窮縱無飯蔬食樂亦在其中

贈陸七處士

花源入逶迤蘿房隱蒙幕鳴禽護藥闌流雲拂琴席扣
門僧共訪賭墅客同奕欲作山中期從君借遊屐

望雲

浮雲無定蹤游子有所思所思在何方迢々東海涯雲

來倏浩渺雲去還遶迤道路固無阻可望不可之托雲
以思親朝夕如有依安得附冥鴻東歸奉庭闈孝感終
當至彼蒼諒無違

傷往

憶昔始結髮相期終暮年寧知當壯時中路忽棄捐春
芳每增恨秋月復娟娟嗟我客異鄉爾魂落夜泉兒生
缺撫育賴有兄嫂憐今夕已及期一念一涕漣展轉不
能寐起坐餘燈前

殘燈

閑房澹餘秋低燈耿寒夕孤明慘漸微斜照愁愈寂誰
念殘光裏相看有羈客

賦得雪山送陳庭學

蜀嶺鎮金位岩壑皆古雪春風吹不消積厚凍愈結寒
色照錦城皎若冰壺徹勢與太白抗崇險自天設君今
此宦遊一覽盡竒絕人繫山重輕相望並高潔

賦得獅子山送何本道在南京

衆山何蔚盤到海勢逾壯一峯獨昂然踞若狻猊狀廉
石駭鑿齒叅差列其上乃知天設險氣欲壓群嶂百獸
遁隣藪畏懼不敢向我皇發竒觀層樓此將初淮海迥
相屬覽盡心目曠子今告我還於馬騁長望別離固足
惜藉茲釋惆悵

賦得桃葉渡送宋仲珩

單艦錢行客曉濟桃葉渡
粼粼起橫波冉冉明芳樹汀
霞待日散風鴛向沙聚艷
質悲已往穠景空延佇昔人
既愴情茲離愈傷緒蘭觴飲
為停桂楫理還住臨流悵
莫追清歌眇何處

題王彥舉聽雨軒

高竹覆南榮寒蕉滿前渚
蕭閒此中意適對清秋雨
踈當簾外飄密向窓前聚
聲聞俱兩忘悠然坐無語

贈朱道士默齋

遙遙紫霞境皓々白玉京
仰瞻上帝居飛觀森太清
鳳采煥丹宸豹尾羅霓旌
琅璫風中璪要眇雲間笙
續紛寶花墮窈窕仙姝迎
璫函降金籙宿契符端誠
真人跏

已受一悟超長生默然守玄靜貞如保黃寧元氣融太和神光藹陽精九靈體至妙八景澄虛明以茲性命理遂藉丹臺名回念屬下土垂憫諸苦情能以刀圭藥濟度埃下氓稽首大道尊永踐崑崙庭

宿濟瀆齋房

暫息郡中事因就齋房宿靈風池上來花露洒餘馥遙峯對閑坐微涼愜新沐隣有道人往來踐幽躅

龍河寺夜聽份上人誦經

禪帷偶暫輟經筵時復登香風韻幽磬寶幢絢華燈音宣心所契聞洽慮俱澄愧余淪中品知師超上乘

賦得劉伶臺送丁掾之淮安

劉伶沛國人獨以好飲名每乘蒼鹿車出入携甕罌結
交嵇阮徒陶然過平生妻言不足聽自謂能忘情常使
荷鍤隨已覺累爾形如何飲酒臺却在淮陰城千年土
花白尚疑壘麴成至今臺下草春風吹不醒君行戒晨
裝淮四千里程登臺勿醉酒當誦周觴銘

送程校書昱分得柳字

離愁亂春鴻客心醉江柳送君官亭路忍把官亭酒遠
別自足悲况是平生友行期似可緩何即遽分手鷗鷺
鳴上下雲帆迤先後望々不盡頭落日三江口

賦得釋迦鉢贈慧古明上人

聖凡同有身飲食必藉器如來制石鉢匪特傳法嗣偶

因受餘光相承成舊事遂令後代爭紛紛起嗔戾我願
過量人要識拈花意

賦得露濕寒塘草送張來儀文學

寒縻泫幽露清漪湛虛塘月時潤芳氣風處偃微光初
溥叢綴白將晞葉翻黃欲采贈遠別沾衣徒感傷

晉冀紀行十四首

荆山揭高厓塗山聳橫壑長淮出兩間中斷見斧鑿洪
流受束縛浪起石鬪角誰能為此功在昔大禹作至今
遺廟存香火乃寂寞我來問邑人往事竟緬邈于時春
正深草木尚荒落登臨欲開豁觀茲反不樂更傷卞和
泣三獻空抱璞

右荆山

舟行夜達曙路入硤石口平山帶孤城一塔起高阜問
知古壽春地經百戰後群孽當倡亂受禍此為首彼時
土產民十無一二有田野滿蒿萊無復識畎畝去程不
可稽欲望敢遲久

右壽州

秋日何淒其嚴風變陽卉嘉節叶重乾時菊芬且靡臨
高一眺望俯見城郭裏三關為襟帶雙溪流瀾々浮雲
起天末鳴鴻在中沚雖非吾故土但悅山川美獨遊意
尚適况茲值多士珎肴出豐厨吳萸泛芳醴人生雖長
壽良時亦有幾對此不為歡憂思何由弭鑒此登山悲
飄飄然已矣

右河口山登高

昔聞陽臺名今上陽臺路我因興古懷驅車暫停駐餘

基尚突兀雲雨自朝暮哀猿失故聲野色賸孤樹當時
襄王夢曾與神女遇幽冥事莫測萬載誰能悟平原亘
千里巫山渺何處淒涼宋公子深情見遺賦 右陽臺
客程不論遠所愁在陰晦惡風滿川來雨勢晚逾倍船
爭急流上寸進還尺退枯葭夾崩沙路轉百數匯颯々
孤蓬外琅々萬珠碎篙師左右呼坐客默與對去心雖
云迫前途苦茫昧德星無復覩洗耳亦何在有懷仰高
風令人發深慨

右穎川

前登盤子城山隘勢欲逼路迴土峭絕傍夾千仞壁石
狀如矩斲巨細總方直無泉土脉死草木盡改色高巔
有堡障重門閉重棘陰慘行人險惡意巨易測信知狐

鼠輩得在此中匿我生好壯觀努力更攀陟立久日將

晡浮雲渺鄉國

右盤子城

峯迴抱深壑下視天鑿井昔人建重關扼險備邊警鍵
鑰久已絕垣石尚森整峩々尼父祠門掩衆山靜曾聞
此回轍無復過斯境詢知鄉老言此事古未省餘氓數
家在破屋暮烟冷我行力稍疲景物不暇領且為投宿
來驚風夜愁永

右天井關

盤々羊腸坂路如羊腸曲盤曲不足論峻陡苦躑躅上
無樹可援下有石亂蹙一步一嗟吁何以措手足途人
互相顧屢見車折軸少時徒耳聞今日親在目不經大
行險那識安居福

右羊腸坂

陸行渴懷抱今渡沁河水奔騰走百灘聲遠聞數里我
來坐其涯肩檐欣暫弛不意山塢間偶得見清泚連朝
塵沙目豁爾淨如洗雖云倦行力對此亦足喜南風吹
青蒲白鷗忽飛起

右沁度

一水隨山根宛轉流出迥灘聲繞縣門孤城數家靜風
土殊可恠十人五生癭土屋響牛鐸壁滿殘日影行遲
欲問宿連戶皆莫肯亭長獨見留半榻亦多幸呼童此
晚炊糲飯穀帶穎野菽不可得敢望肉與餅途行乃至
此儉素當自省

右沁水縣

巍々太陰山崖壁拔嶄峭積水嵌層壑凜若太古造凍
深草木堅僵立勢難撓高寒橫障空陽景未嘗到隣有

羲和墓欲問莫可吊如何於此地獨不被臨照至今山
中鳥無性識晴昊聊為志其事因之發長嘯 太陰山
土谷既深入高山復巔岼微逕絕百尺下轉十八盤俯
臨澗壑險勢陡不可看亂石聞磊砢置足恐不安長鏡
那可托藤蔓無由攀寸步每千慮舉動如蹒跚心膽掉
欲碎毛髮亦為寒戰兢尚未足何暇發慨歎平生行路
心此日方知難 右十八盤

空山兩高冢媧皇此中葬焦土積層巘勢助殿閣壯大
哉補天手功出千古上至今煉餘石火氣夜猶放轟雷
常被護烈風日掀蕩陰林慘可畏恠木高數丈百鳥飛
繞枝欲止不敢向地靈氣所鍾祭禱土人仰經過謁祠

下幸獲拜神像

右女媧墓

霍山古北鎮勢尊出群麓山深異風景春盡樹未綠居
人苦多寒鑿土為住屋々頂土元厚亦種麻與菽乃知
此方民猶有上古俗我欲拜其廟日斜去程促壑烟歛
暝色牛羊半歸牧征徒多嶮巖村館早尋宿 右霍山
右紀行十四首賁於洪武九年往山西與顧厓同受
上命問俗于晉民自京師下長江歷淮蔡入大梁渡黃
河登太行覽唐虞故都周旋於吉絳汾沁間過鴈門
代郡回觀上黨長平之舊跡跋陟五千餘里其間山
河形勢佳景殊俗未暇盡述姑賦其萬一聊以擴吾
之見聞云爾二月廿三日識

卷三終

北郭集卷之四

七言古體

吳

郡

徐

賁

幼文

著

丙午中秋與余左司王山人高記室同過張文
學宅看月

商飈吹秋天如藍出戶圓月生東南衆星次第斂芒角
獨有桂影垂絳絳澄光無私照應徧不間污澤兼清潭
冰輪軋軋上銀漢玉龍左右駕兩駮須臾當天蟾魄正
八表洞視明相涵自憐下界苦迫塞未得變化同書蟬
遙思海上看更好水氣顛顛雲無曇鮫人機室仰虛炤
綃絲薄袖抽冰蚕孕珠老蚌躍波出吸納華采爭呀咄
山河大地影倒入嗟此尺璧何由含曾聞月乃七寶合

均處脩補湏斤鑿又聞姮娥竊靈藥直欲不死真貪婪
如此恠事各有說理或有之幽莫探化橋擲杖本幻戲
茲事何故推難諳分明以術誑人主不即加罪誠痴憨
今宵貴家盛開宴奔走席上羅女男清弦脆筦樂正作
金尊玉笋情方酣羈愁誰念獨屈者家無隙地惟書龕
南隣庭院未為廣較之我處殊差堪便携濁酒扣門去
肴核瑣細毋煩擔移床露坐共邀月更呼故友來清談
諸君豪邁總名士長材落落皆榷榘詞鋒出硯賭快利
鈍斧寧敢膺長鐔胸竒每能幹造化語峭似可欺岩嵌
我今結托豈偶爾內切自喜忘其慙當歌且用脫邊幅
買酒奚問墮珥簪為君起舞明月下兩袖拂鬢風鬢鬢

佳節於人既不惡暢懷痛飲心所甘緣知樂景不易遇
匪曰嗜好成淫耽此月一去又一載坐看直待鷄號三

夜坐次高季迪

夜燈耿耿風帷低雨葉似秋寒更淒城遠擊柝慘難齊
抱中幼子悄悲啼不知情思向誰是獨坐閑房憶故妻

連理木為何垆賦

松陽之山如游龍粵羅浮原獨龍從有墳峩峩樹且封
誰其葬者楚國公楚公系同正獻宗煌煌炎宋祠業鴻
若子洎孫俱登庸德澤綿衍何其隆至垆七世慶未窮
垆也孝義被厥躬祗率黨序相睦雍上以承祀弗墜躬
下以奉親能婉容昊天不勅降鞠詢群醜戲兵儕螳蜂

民居悉毀郊甸空母也奄忽時適逢葬地罔差吉與凶
倉皇原傍鑿幽宮禮弗克備誠忽々明年又復殂乃翁
五內摧裂號彼穹相原石塘氣鬱葱僉曰合遷母也從
垆以體魄安其中而更發露寔所恫歲丙午春時雨豐
連理木生元氣鍾巨幹開合敷枝蔓廿又四尺為其崇
望如車蓋儼童童山靈撫訶護芳穠禎竒孰云非化工
於戲孝感天地通暴祥表瑞無以克乃於茲木昭孝衷
眉山記語具始終鄉人頌羨萬口同我聞其事愧愚蒙
作詩聊以備采風

題留生柳莊

碧山綠水轉逶迤君家住處宛相宜春風繞屋楊柳樹

為君爭發艷陽時
艷陽時節風光早
萬葉千絲向人好
何如遺恨武昌門
難同送別長安道
拂烟照水更多情
枝間百轉有啼鶯
嬌傾趙女筵前舞
思入燕姬笛裏聲
白花撩亂波搖蕩
密影芳陰自來往
坐邀釣侶把長竿
行情菱童棹孤榜
記取前時親手栽
絲絲葉葉費春裁
願得傍人莫輕折
歲歲年年春自來

贈巾工李澹齋

十年奔走風塵裏
短髮脩脩被雙耳
百回櫛沐向朝陽
千度爬搔照秋水
歲華冉冉逼我來
相對雖悲亦還喜
翻思離亂眼中人
如此頭顱能有幾
乃知髻絲增老醜
逢人自覺吾形滓
吾聞李翁解作巾
百錢買裹聊復爾

土身卷四
三
舊歲白氈不易得古製平頭差可擬臨風見影頗自整
只有羈人脫蓬累李翁李翁遺世者蕭然一屋吳興市
全家但食賣巾錢能以此技代耘耔我因作詩貽李翁
願翁子孫守翁技我今亦是織屨人同與徜徉沒餘齒

題葛仙翁移家圖

典午中衰亂人紀諸藩構隙兵戈裏江左名賢各有圖
先生抱朴徵不起先生好學得異書九丹妙得玄中理
紫髯綠髮丰姿秀蕭然自是烟霞士當時入洛不論功
榮利棄之如弊屣求丹願作勾漏令便挈全家度交趾
南行適逢鄧廣州一留羅浮遂終此壇上時看藥竈光
井中猶是丹砂水暫將勁翮戩鷁躡景追風豈能已

先生丹成骨已仙，獨見文章在青史。
龍眠居士真好竒，貌作新畫宛相似。
先生自騎黃鹿行，僮僕提携子姪侍。
藥瓢茶磨家具足，前驅牛驃後厖豕。
乃知粉墨幻人化，幹淡點綴無不美。
今日玉堂雪初霽，展卷令我心神喜。
特為題詩繼後塵，再拜高風仰千祀。

贈崔孝子

洪洞山前震鼙鼓，東家被殺西家虜。
崔郎逃兵山更深，手引諸兒背馱母。
須臾兵急行恐遲，月昏霜滑山嶮巖。
大兒牽衣小兒哭，心在護母寧戀兒。
倉皇棄兒巔岩裏，永割慈情知必死。
明朝隣里忽抱還，全家相看盡驚喜。
我知此事由衷情，不有神護安能生兒。
今拜父孫拜母。

一家團樂居樂土

晚歸

樵風度溪波蕩影水葉圓圓綠浮苻白沙路遠雲花靜
小艇爭先野鶴歸竹外依微衆山暝

瑶芳樓

高樓春多風日妍瑣窓瑤闌紫素烟水晶簾捲香散席
瑶芳吹入琴中絃美人手度陽春曲水意山情斷還續
三山鸞鶴夜飛來佩環搖曳玲瓏玉琴聲宛轉響春空
滿樓白月梨花風

次韻王止仲見寄并東郡諸友

少年不用悲秋蓬致身豈但儒冠中壯心非干要夸世

平生直欲圖成功，枉將空言恣幽討。徒采衆說相芟鑿，
全功獨取遼城箭。大言誰信扶桑弓，亦當殺虜白登道。
寧復獻賦甘泉宮，英雄不作等閑事。神仙自托浮遊踪，
求名未解吐辨舌。養壽莫必生方瞳，微生自有造化繫。
皇輿已喜車書通，按圖孰能索神駿。抱璞未易逢良工，
散材遭焚固無用。蟠根為器須先容，以茲嘆息委鈍質。
匪云隱逸矜高風，安時從此甘蘋藿。傲世詎敢厭韭菘，
衰榮來往培草木。得失互有憐鷄虫，龐公到老終食力。
藥布賤時曾賣傭，狂歌每增慷慨意。濁酒一洗芥蒂胸，
學書未必醉乃聖。賦詩何待工為窮，屢當求益懷故友。
獨恨作客來新豐，明珠羞與魚目混。羨玉亦藉山石攻，

仁山道學麗白日少陵文采明秋虹又知席師學清靜
可貴衍衲脩真空藥師老成飽兵學安石俊健夸文雄
王家筆法到幼子高君竒句欺三紅相思寧問異遠近
結交尚賴全始終將來大器君輩是嗟此亂世吾難逢
明朝東書過湖去放船鼓舵松陵東

次韻楊孟載觀芍藥作

輕陰釀綠寒猶薄龜甲疏簾映朱閣美人偏有惜花心
新水銀瓶送紅藥當堦惟恐流塵污纖手籠春為花護
一捻芳容飽弄嬌胭脂細結玲瓏露綠貼單屏襯碧綃
微風纔動見花搖香凝膩粉肌全濕影艷方諸臉半潮
高枝開滿低枝捲翠檻移來隨步輦濃染如分織女機

巧裁侶出宮娥剪花情最重是何人應有鴛鴦帳裏身
不用傳心題綺字踏歌當為喚真真

題明皇夜遊圖

花萼樓前烟漠漠君王睡重無人覺別宮漏點戀寒宵
閑卻梨園太平樂雲龍十二秋扶搖青藜化作黃金橋
翡翠門屏桂枝影素娥羽帶香風飄優黃共記霓裳舞
歸來換盡人間譜梧桐擊碎教妖環蜀山夢戰漁陽鼓

月軒

蟾蜍飛去老不死清光夜湧滄波起桂花露濕泣古香
廣寒一色鋪秋水洞房深開雲母屏夢騎白鳳遊青冥
冰輪碾碎山河影姮娥含羞舞不整竊得靈丹玉兔愁

歸卧芙蓉碧烟冷

翠竹黃花二仕女圖

蘿屋綿烟斂微夕錦瑟罷彈機罷織寒濃翠薄妬蟬衫
竹色搖風競踈碧鳳聲天遠誰能聞綠蛾黛影愁不分
楚山九點昨宵夢淚花染盡瀟湘雲

翠衫輕薄裁新蟬琅玕獻碧爭秋妍愁紫翠黛向誰是
望中九點芙蓉烟泪簇霜痕紫雲淺曉色初凝寒意軟
賣珠小婢未還家倚風獨看黃菊花

西山爽氣樓

錢塘西湖吾舊遊每遊只為湖山留欲將勝槩入登覽
泉石瑣瑣何煩求古來英雄遠莫見往事寂寞誰復收

知君平生好竒觀結樓却在西湖頭山南山北競蕭爽
四時佳氣常如秋平波直與天上下衆峯不共雲沉浮
此邦富庶甲西浙湖山宴賞無時休紛紛盡日逐歌舞
安知中有萬古愁丈夫不作少年事與君買醉登茲樓

十二月廿一日尋梅到西塢留題山家

昨日看泉到山北石路巉岩苦攀陟尋涼未窮力已疲
百步無多幾停息今朝尋梅到西塢野曠霜晴好風日
兩株却傍山家開柴門翁菟連叢棘老樵出迎頗解事
掃石坐我吟其側踈花冷蕊自逞妍不放寒香洗胸臆
何郎又沒杜陵老好句獨有林逋得花雖無情弗與較
嗟我懷抱花寧識明當携酒此問春東風應念重來客

呂山人將來遊蜀山因賦詩以要之

草堂窈窕亂山空
流雲啼鳥踞西東
薜蘿烟杳青林入
芰荷雨滿碧谿通
穠花芳月時時有
花月金樽長汎酒
蜀山茗水近相連
南風蕩漾木蘭船
閑陪釣侶蘆洲外
屢覓樵童松障前
樵童釣侶行相識
吳語蠻歌自朝夕
夢魂不解齊門竽
懷抱都隨謝家屐
山中風景獨君知
結隣誰肯作幽期
淮南桂樹秋搖落
更為重吟招隱詩

鵲軒為王孝子作

金華山人王孝子自來生長金華里
阿母初生孝子時
鳴鵲飛來樹頭止
子生日長母日健
每聽鵲聲心輒喜
鵲聲在樹母在堂
孝子晨昏具甘旨
願言阿母享遐齡

鵲聲喳喳長在耳阿母生子願子賢子今作官東海淡
一朝毋逝鵲不來回首家鄉隔山水鵲不來兮其柰何
母子恩情那得已天高地深恨無託作軒名鵲良有以
我亦飄零未歸客父母早歿失怙恃十年空守骨肉函
有淚不入黃泉底故山非無一杯土長路風塵阻戎壘
聞君孝行未識君為記詩章持送似

送主簿王儀中之華亭

山風吹霜溪葉老鼓笳欲斷天未曉行人出門鷄亂啼
北斗倒懸月在西我停露車客駐馬荒烟瀟瀟暗平野
一杯濁酒且須傾九月垂楊不堪把歌聲感激絃聲繁
座上醉人爭笑喧相逢相別皆草草心事紛紜向誰道

送許監事北遊

楊葉差差花簇簇離筵小宴春江曲金壺酒氣暖融香
鶯簧初起鷓鴣絃續絃聲未停君欲行晴烟濛濛搖雙旌
平原細草塵不動馬蹄聲軟朱輪輕回颺吹斷東西陌
蝶駭蜂愁日含夕歸來醉卧玉堂春夢裏雲飛亭山碧

中秋夜淮河舟中看月懷張羽

長淮浪平風暫息萬里雲消楚天碧東方月出海門寬
浩浩清河黯無色樓船伐鼓順下流今夕何夕當中秋
金繩轉影素華滿卸帆且作須臾留夜深人家市聲定
我獨高吟衆船聽思奪梁園席上才氣壓南樓座中興
百年此夜不多好人世浮雲何足道雖有鄉心自感傷

能無樽酒相傾倒，人間清景不可并。杯當暫輟歌亦停。
翻思年年看月伴，如今落落如晨星。此懷此念誰能識。
茗水東頭靜居客，為渠寫作看月詩。西方擬附南飛翼。
皆山樓

昔聞仙人好樓居，君來偶作樓居主。軒窓虛明不受塵。
獨有青山作環堵，五湖風景供朝夕。萬壑烟雲自晴雨。
殘岡斷隴走百折，凭高一望無遺覩。嗟余零落當壯年。
每到登臨即懷土，眼中何處是神州。落日秋風暗榛莽。

春陰應

秦王令

時在山西

雲花鱗鱗山漠漠，重城平障芳陰薄。膩雨輕吹飛復停。
勾引東風到，蘆幙草滋微濕沾。芳塵隴頭不見尋花人。

桃英梅萼同懊惱水紋滿漲金河春柳絲暝濛烟不醒
輓轡暫輟銀瓶綆新鶯未換谷中聲遊蜂竟失闌前影
丁香百結蕉有心綃屏六曲春沉沉香抽翠縷火長續
餘寒撲錦籠朱琴江南春好多芳樹林園半是看花處
明朝重整小紅車風光滿路行春去

揚孟戴畫竹

江南看竹不為罕水郭山村常種滿東里千竿繞佛亭
西隣萬本連書館密葉分陰小閣深斜枝度影虛簾短
蕭疎夜月翠羽涼搖曳南風鳥聲暖嗟余好竹處處遊
徑造豈減王猷誕湘江淇水無不到嶰谷柯亭亦嘗款
人間音律性所好収作鸞笙與鳳管或裁文籟製小冠

時尋新笋供清饌朝行竹下暮仍往自謂竹緣終不斷
竭來并州苦寒地沙土撲面心煩懣寧無塞草共山花
惟覺麓踈俗吾眼胸中塵氣久已積對此汾河詎能澣
君心飽有渭川思揮洒風烟意閑散封圖遠送邀我題
措語苦澁顏何赧

秋江送別圖為顧負外賦

大江落日秋浩浩沙柳全消荇花老鴈聲先送客情飛
酒力仍將別愁掃一程一水一烟波前程方長後程杳

二喬觀書圖

孫郎武略周郎智相逢便結君臣義丰姿聯璧照江東
都與喬公作佳壻喬公雖在流離中門闌喜色雙乘龍

大喬娉婷小喬媚秋波並帶開芙蓉身嫁英雄知大節
日把詩書自怡悅不學分香歌舞兒銅臺夜泣西陵月

遊雲巖歸次韻答余唐卿左司見寄

此當在前因後得故附此

我生何異車無軸誰云載得連城玉樽散元知非世材甘與途

人同碌欲歸林壑無隱賞漫風塵有邪幅高閑亦在人自致

負賤後教天不錄晨偶作阜行憑仗登臨釋煩促晴光忽

動噪群鳥暑氣微銷比繁木一泉一石恐後賞尋徧西岡與東

麓緣迴更上峯頂塔物像歷歷供吾目陂田平望千頃雲城郭

回看萬家屋山僧留我駐歸駕斜景欲斷烟霞續自憐興盡終

當返身世非閑有羈束君詩俄爾到茅齋滿把驪珠慰幽獨人

生樂境本無定古來萬事誰能足待君公暇再一遊重為題名

勒巖谷

北郭集卷之四